

Segun vocero di Gruponan Uni di carnaval: For di maart Gruponan Uni a mustra SAC cu nan no kier traha cu SAC



ORANJESTAD (AAN): Gruponan Uni di Carnaval a tene un conferencia pa asina trece nan puntonan di bista tambe relacion cu henter e situacion rond di carnaval. Ta diferente proposicion a worde presenta door di gruponan na mesa. Segun a wordo treci dilanti, SAC a dicidi di entrega e posicion cu gruponan uni di carnaval a propone y tambe a bisa cu gruponan uni por haya esun di prome secretario tambe. Kevin van Ommeren a splica cu tiramento di awa den biña tabata tin.

A dicidi tambe cu si ta asina SAC ta keda para riba dje, nan lo stop cu reunion y gruponan lo no participa mas.

Asina mes Kevin van Ommeren a splica cu minister a interveni pa bolbe bin na mesa.

Aki SAC a bin cu un proposicion unda e asunto di control di ambos banda no tey den forma igual. A sali di reunion caminda a propone minister pa acepta un condicion cu a worde presenta.

Kevin van Ommeren a splica cu SAC no tabata di acuerdo y tuma un posicion cu ta acepta un proposicion riba mesa.

Djey e asunto a bira un discusion riba agenda. E agenda SAC no a haya for di gruponan uni. SAC a bisa cu ta inzage so e grupo uni tin.

Segun Van Ommeren, di maart caba nan a mustra SAC cu nan no kier traha cu nan mas.

Nan tin un organizacion di carnaval y ta e gruponan cu a

para responsabel pa tin reina di carnaval y tin grupo pa participa.

Ta SAC por loop mee cu nan y no nan loop mee cu SAC.

Kevin van Ommeren a comenta tambe riba e raad van advies cu a worde presenta door di minister.

“Tecla Kelly a bisa adelanta cu nan no ta bay di acuerdo cune”, segun Kevin van Ommeren.

E bestuur nobo lo tabata un di fase transitorio.

Kevin van Ommeren di Gruponan Uni a splica cu SAC ta considera e raport como un advies y nan no ta acepta e raport.

Gruponan a bisa cu SAC kier keda.

Nan a mustra cla na SAC cu nan tabata kier un cambio.

Cada dos aña mester tabata tin cambio di bestuur.

“Participacion igual ta importante”, segun Kevin van Ommeren.

“Den tempo di Guerra no ta bay sinta y laga bo rival gana bo. SAC no kier haci cambio”, el a agrega.

A usa e nomber di SAC pa organiza carnaval. SMAC mester a cuminsa masha dia. Mester a haci algo na bienestar di carnaval pero nan no ta mira esaki.

Nunca a tende di e raad van bestuur y kende ta vice presidente di SAC. E forma cu SAC kier pone e asunto ta indica cu nunca e grupo uni tin un voz...